

醫方類聚卷之十五

諸風門 三

千金方 二

夫歷節風著人久不治者令人骨節蹉跌變



成癩病不可不知古今已來無問貴賤往往
苦之此是風之毒害者也治之雖有湯藥而
竝不及松膏松節酒若羈旅家貧不可急辦
者宜服諸湯猶勝不治但於痛處灸三七壯
佳

防風湯治身體四肢節解如墮脫腫按之皮陷頭眩短氣溫溫悶亂欲吐者方

防風 白朮 知母 桂心各四兩 芍藥 杏仁 甘草各三兩 半夏 生薑各五兩

右十味咬咀以水一斗煮取三升分四服日三夜一古今錄驗方無半夏杏仁芍藥用附子二枚為八味

羌活湯治中風身體疼痛四肢緩弱不遂及

產後中風方

羌活 桂心 芍藥 葛根 麻黃 乾

地黃各三兩 甘草二兩 生薑五兩

右八味咬咀以清酒三升水五升煮取三升溫服五合日三服

防已湯治風歷節四肢疼痛如槌鍛不可忍者方

防已 茯苓 白朮 桂心 生薑各四兩 甘草三兩 人參二兩 烏頭七

右八味咬咀以苦酒一升水一斗煮取三升半一服八合日三夜一當覺焦熱痺忽忽然慎勿恠也若不覺復合服以覺乃止凡用烏頭皆去皮熬令黑乃堪用不然至毒人宜慎之千金翼不用苦酒

治濕風體痛欲折肉如錐刀所刺方

附子 乾薑 芍藥 茯苓 人參 甘

草 桂心 各三兩 白朮 四兩

右八味咬咀以水八升煮取三升日三服

一方去桂用乾地黄二兩

大棗湯治歷節疼痛方

大棗 十五枚 附子 一枚 甘草 尺一 黃耆 兩四 生薑 兩二

麻黃 兩五

右六味咬咀以水七升煮取三升每服一升日三服

犀角湯治熱毒流入四肢歷節腫痛方

犀角 兩二 羚羊角 兩一 前胡 黃芩 梔子 人

射干 各三兩 大黃 升麻 各四兩 豉 一升

右九味咬咀以水九升煮取三升去滓分三服

治節歷諸風百節酸痛不可忍方

松脂三十斤鍊五十遍酒煮十遍肘後方衛生易

簡方無酒煮不能五十遍二十遍亦可鍊肘後

十遍四字酥三升溫和松脂三升熟攪令極調肘後方易

簡方勻旦空腹酒服方寸匕日三數數食

麩粥為佳慎血腥生冷物酢果子百日已

後瘥○聖惠方松脂十斤以桑柴灰汁鍊二十遍後以淡漿水

鍊十遍候乾牛酥二斤鍊過者右件藥相和令細研如粉勻每服不計時候以溫酒調下一茶匙

松節酒治歷節風四肢疼痛由如解落方

松節 猪椒葉各三十斤細剉各用水四石煎取一石

右二味澄清合漬乾麩五斤候發以糯米

四石五斗釀之依家醞法四酸勿令傷冷

熱第一酸時下後諸藥

栢子人 天雄 草薺 芍藥各五兩 秦艸

六人參 茵芋各四兩 防風十兩 礞石十二兩 獨

活十五兩

右十味咬咀內飯中炊如常酸法酸足訖封頭四七日壓取清適性服之勿至醉吐石膏湯逐風毒方

石膏雞子大杏仁四十枚雞子二枚甘草一尺麻

黃三兩

右五味咬咀以水三升破雞子內水中烱令相得內藥煮取一升服之覆取汗汗不出燒石熨取汗出為佳

治歷節風方松膏一升酒三升浸七日每服一合日再數劑愈

又方松葉三十斤酒二石五斗漬三七日服一合日五六度○壽域神方松葉不拘多少擣取汁一升酒三升浸七日每服一合日三次

偏風

防風湯治偏風甄權處療安平公方

防風 芎藭 白芷 牛膝 狗脊 草

薤 白朮 各一兩 菴活 葛根 附子 外臺作人
 參 杏人 各二兩 薏苡人 石膏 桂心 各三兩

麻黃 四兩 生薑 五兩

右十六味咬咀以水一斗二升煮取三升
 分三服服一劑覺好更進一劑卽一度針
 九劑九針卽瘥灸亦得 針風池一穴
 肩髃一穴 曲池一穴 支溝一穴 五
 樞一穴 陽陵泉一穴 巨虛下廉一穴
 凡針七穴卽瘥

治猥退風半身不遂失音不語者方杏人去

雙人及皮尖三斗洗入臼擣二斗令碎研
 如寒食粥法取汁八升煎取四升口嘗看
 香滑卽熟未及此則爲不熟惟熟爲妙停
 極冷然後內好麴一斗六升煎取八升第
 一遍酸饋也次一炊復取杏人三升研取
 一斗二升汁煎取六升第二酸也次一炊
 準第二酸取杏人汁多少爲第三酸也若
 疑米不足別更取二升杏人研取八升汁

煎取四升更斟酌炊米酸之若猶不足更
研杏人二升取八升汁煎取四升更酸之
以熟爲限一石米杏人三斗所以節次研
杏人者恐併煎汁酢故也若冬日任意併
煎準計三斗杏人取汁一石六斗煎取八
斗四升清麴以分之酸饋酒熟封四七日
開澄取清然後壓糟糟可乾末和酒服之

大驗秘方

又方草麻子脂一升壽域神方一斗酒一斗銅鉢盛

著酒中一日煮之令熟服之衛生易簡方同

治大風半身不遂方蠶沙兩石熟蒸分作直
袋三枚各受七斗熟盛一袋著患處如冷
卽取餘袋一依前法數數易換百不禁癢
止須羊肚釀粳米葱白薑椒豉等爛煮熱
喫日食一具十日止此方千金不傳○備
預百要方治手足不遂腰脚軟皮膚頑痺
方蠶沙盛袋蒸熟熨冷則易之又蠶沙炒
黃盛袋浸酒服之

又方蒸鼠壤土袋盛熨之瘥即止

葛根湯治四肢緩弱身體疼痛不遂婦人產

後中柔風及氣滿方

葛根 芍藥 桂心 乾地黄 羌活各三

兩麻黃 甘草各二 生薑六兩

右八味以清酒三升水五升煮取三升溫

服五合日三

麻子湯治大風周身四肢攣急風行在皮膚
身勞彊服之不虛人又治精神蒙昧者方

秋麻子三升淨擇 防風 桂心 生薑

石膏碎綿 橘皮各二 麻黃三兩 竹葉 葱白

各一 香豉合

右十味咬咀先以水二斗半煮麻子令極

熟漉去滓取九升別煮麻黃兩沸掠去沫

內諸藥汁中煮取三升去滓分三服空腹

服當微汗汗出以粉塗身極重者不過三

兩劑輕者一兩劑瘥有人患大風賊風刺

風加獨活三兩比之小續命湯準當六七

劑

白欬薏苡湯治風拘攣不可屈伸方

白欬 薏苡人 芍藥 桂心 酸棗人

牛膝 乾薑 甘草各一升 附子三枚

右九味咬咀以淳酒二斗漬一宿微火煎三沸每服一升日三扶杖起行不耐酒服五合千金翼有車前子

獨活寄生湯夫腰背痛者皆由腎氣虛弱臥冷濕地當風得之不時速治喜流入脚膝為

偏枯冷痺緩弱疼重或腰痛攣脚重痺宜急服此方

獨活三兩 寄生古今錄驗用續斷 杜仲 牛膝 細

辛 秦艽 茯苓 桂心 防風 芎藭

乾地黄 人參 甘草 當歸 芍藥各二兩

右十五味咬咀以水一斗煮取三升分三服溫身勿冷喜虛下利者除乾地黄服湯取蒴藿葉火燎厚安席上及熱眠上冷復

燎之冬月取根春取莖熬臥之佳其餘薄
 熨不及葫藿蒸為愈也諸處風濕亦用此
 法新產竟或患腹痛不得轉動及腰脚攣
 痛不得屈伸痺弱者宜服此湯除風消血
 肘後有附子一枚大者無奇生人參甘草
 當歸○御藥院方右為粗末每服三錢水
 一大盞入生薑五片煎至七分去滓食前
 稍熱服朱氏集驗方治風濕相搏於腰背
 氣血凝滯連引疼痛手足搐搦獨活三兩桑

寄生略天無則以續斷代之白朮炒肉桂杜仲薑製秦

芎白茯苓牛膝酒浸一宿焙乾防風川芎當歸白

芍藥熟地黃人參各二兩北細辛去葉川續斷

如無桑寄生則用此代甘草炙各一兩右咬咀每服四錢

水一盞半煎至七分去滓熱服食前如腰

疼脇痛腿疼臨熟入麝香少許和勻服兼

治歷節風

菊花酒治男女風虛寒冷腰背痛食少羸瘦

無顏色噓吸少氣去風冷補不足方

菊花 杜仲各一斤 防風 附子 黃耆

乾薑 桂心 當歸 石斛各四兩 紫石英

菴蓉各五兩 草薺 獨活 鍾乳各八兩 茯苓

三兩

右十五味咬咀以酒七斗漬五日一服二合稍稍加至五合日三千金翼不用乾薑

杜仲酒治腰脚疼痛不遂風虛方

杜仲八兩 石南二兩 羌活四兩 大附子五枚

右四味咬咀以酒一斗漬三宿每服二合

日再偏宜冷病婦人服之

風痹

夫風痺者卒不能語口噤手足不遂而疆直

者是也治之以伏龍肝五升為末冷水八升

和攪取汁飲之能盡為善肘後此方治心

煩恍惚腹中痛滿絕而復蘇自此已下九

方皆主此風用之次第宜細尋之○聖惠

方治風痺卒不能語手足不能自收方伏

龍肝三兩 右搗羅為細散以新汲水一大盞

浸良久澄取清每服不計時候溫服二合
衛生易簡方治風痲卒得不語口噤手足
不隨而不強直者用伏龍肝五升冷水八
升攪汁飲之令盡佳亦治中惡身體不痛
四肢不收神智不亂一臂不遂能言者可
治不能言者難療

凡欲醫此病當知先後次第不得漫投湯藥
以失機宜非但殺人因茲遂為痼疾已既得
之當進三味竹瀝飲少似有勝於常更進湯

也竹瀝飲子患熱風者必先用於此制其熱
毒

竹瀝湯治四肢不收心神恍惚不知人不能
言方

竹瀝二升生葛汁一升生薑汁三合

右三味相和溫暖分三服玉機微平旦日

晡夜合一服服訖覺四體有異似好次進

後湯方

竹瀝一升生葛汁五合芎藭一升防已一升附子一升

人參 芍藥 黃芩 甘草 桂心各一兩

生薑四兩 羚羊角三兩 石膏六兩 杏仁四十枚 麝香

防風各一兩半

右十六味咬咀以水七升煮減半內瀝煮

取二升五合分三服取汗間五日更服一

劑頻與三劑漸覺少損仍進後方

竹瀝三升 防風 升麻 羚羊角 防已

桂心 芎藭各二兩 麻黃三兩

右八味咬咀以水四升合竹瀝煮取二升

半分三服兩日服一劑常用加獨活三兩

最佳此方神良頻進三劑若手足冷者加

生薑五兩白朮二兩若未除更進後方

竹瀝一升 甘草一本作二兩 人參 芎藭 獨活

升麻各一兩 防風 麻黃 芍藥各一兩半 生薑

石膏 附子一本作杏人四十枚 羚羊角 防已

桂心 黃芩 白朮各二兩

右十七味咬咀以水八升煮減半內瀝煮

取二升半分三服相去如人行十里久更

服若有氣者加橘皮牛膝五加皮各一兩
 ○管見大全良方治中風四肢不收心神
 昏憤眼不識人言不出口此藥大療熱積
 生風首宜服此竹瀝二升生葛汁一升生薑汁
三合右相和溫分三服平旦晡夜各一服服
 訖覺四體有異似好進後方大竹瀝湯竹
 瀝二升防已一兩麻黃去節三兩防風去叉蘆升麻桂
 心羚羊角屑獨活去蘆川芎各二兩右吹咀每
 服半兩水一大盞煮取七分去滓溫服無

時日三服若手足冷加生薑五兩白朮二
 兩
 凡風痺服前湯得瘥訖可常服煮散除餘風
 方

防風 防已 獨活 秦艽 黃耆 芍
 藥 人參 白朮 茯神 芎藭 遠志
 升麻 石斛 牛膝 羚羊角 丹參
 甘草 厚朴 天門冬 五加皮 地骨
 皮 黃芩翼作薯蕷桂心各一兩乾地黄各四兩

橘皮 生薑 麻黃各三兩 檳榔翼作甘草 藁本

翼作杜仲 翼作麥冬 烏犀角各二兩 千金 薏

苡人升一石膏 六兩一

右三十三味擣篩為粗散和攪令勻每服以水三升藥三兩煮取一升絲漚去滓頓服之取汗日一服若覺心中熱煩以竹瀝

代水煮之

荆瀝湯凡患風人多熱常宜服此方

荆瀝 竹瀝 生薑汁各五合

右三味相和溫暖為一服玉幾微 每日旦服煮散午後進此平復好瘥乃止

獨活煮散治諸風痺方

獨活八兩 芎藭 芍藥 茯苓 防風 防

已 葛根各六兩 羚羊角 當歸 人參

桂心 麥門冬 石膏各四兩 磁石十兩 甘草

三兩 白朮 五兩

右十六味各切剉分為二十四分每分入生薑生地黃切一升杏仁二七枚以水二

類聚十五
類聚十五
類聚十五
類聚十五
類聚十五

升煮取七合或日晚或夜中或日一服或
間日服無所忌

五補圓凡風服湯藥多患虛熱翕翕然宜除
熱方

防風 人參 菴蓉 乾地黄 羚羊角

麥門冬 天門冬 各一兩半 芍藥 獨活 乾

薑 白朮 丹參 食茱萸 一云山茱萸 甘草

茯神 升麻 黃耆 甘菊花 地骨皮

石斛 牛膝 五加皮 薯蕷 各三兩 秦艽

芩藺 桂心 防己 生薑屑 黃芩 各

兩 附子 十八銖 石膏 三兩 寒水石 二兩

右三十二味為末白蜜和丸如梧子大生

薑蜜湯服二十九日三稍加至三十九忌

油麵蒜生冷酢滑及猪羊雞魚等肉

古人立方皆準病根冷熱制之今人臨急造

次搜尋卽用故多不驗所以欲用方者先定

其冷熱乃可檢方用無不效湯藥既爾凡散

亦然凡此風之發也必由熱盛故有竹瀝葛

汗等諸冷藥焉後之學者不能行細識其方
意故有茲論具而述之其人無密室者不可
與療以彊人居室不密尚中風邪况服藥之
人乎

風懿

獨活湯治風懿不能言四肢不收手足躄曳
方

獨活兩 桂心兩 芍藥兩 栝蔞根兩 生葛二各
生薑兩 甘草兩

右七味咬咀以水五升煮取三升分三服
日三

脾脉絡胃俠咽連舌本散舌下心之別脉係
舌本今心脾二臟受風邪故舌彊不得語也
治中風口噤不能言方

防已兩 桂心兩 麻黃各二兩 葛根三兩 甘草兩

防風兩 芍藥各一兩 生薑四兩

右八味咬咀以水六升煮取二升半分三
服瘖瘖不語皆治之

石南湯治六十四種風注走入皮膚中如蟲行腰脊彊直五緩六急手足拘攣隱胗搔之則作瘡風尸身癢卒風面目腫起手不出頭口噤不能言方

石南 乾薑 黃芩 細辛 人參 各一兩

桂心 麻黃 當歸 芎藭 各一兩半 甘草 二兩

乾地黄 十八銖 食茱萸 三十銖

右十二味咬咀以水六升酒三升煮取三升分三服大汗勿恠

治中風口噤不知人者方

芥子 一斤 酢 三升

右二味煮取一升薄頭以布裹之日一度

肘後以治卒不得語

又方 豉 五升 吳茱萸 一升

右二味以水七升煮取三升漸飲之肘後

以治不能語 肘後方豉茱萸各一升水五升煮取二升稍稍服衛生易

淡籩方

又方 得効方名一得散治中風中白朮四兩

以酒三升得後方水三升煮取一升頓服

備預百要方同

又方服荆瀝一升

又方服淡竹瀝一升備預百要方同

桂湯治卒失音方濃煮桂汁服一升覆取汗

亦可末桂著舌下漸漸嚥汁肘後方用新好桂別去皮

壽籍三指撮著舌下咽○千金月令取桂

心一尺以水三升煎取一升服取汗聖惠

方桂心一兩擣令碎右以水二大盞煎至一盞

去滓不計時候分溫三服瓊碎

又方濃煮大豆汁含亦佳千金月令服之無豆用豉

○聖惠方大豆一升淘令淨右以水五升煮令

爛去豆熬取汁如膏少少合嚥津頻服效

肘後方治卒不得語煮大豆煎其汁合如

飴含之亦但濃煮飲之衛生易簡方同

治卒不得語方酒五合和人乳汁中卡承為

二服○衛生易簡方治中風不語者用少

婦乳半合好酒半升攪勻分服即愈

夫眼瞶動口唇偏喎皆風入脉急與小續命湯附子散摩神明膏丹參膏依穴灸之喉痺舌緩亦然風入臟使人瘖瘖卒死口眼相引牙車急舌不轉喎僻者與伏龍肝散和雞冠血及鼈血塗乾復塗之并灸吻邊橋又赤白附逐之右隨年壯報之至三報三日不瘥更報之

附子散治中風手臂不仁口面喎僻方

附子 桂心各五兩 細辛 防風 人參

乾薑各六兩

右六味治下篩酒服方寸匕日三稍增之甘草湯治偏風積年不瘥手脚枯細面口喎僻精神不定言語倒錯方

甘草 桂心 芎藭 麻黃 當歸 芍

藥 人參各二兩 附子 側子各二枚 獨活

防已各三兩 生薑 石膏 茯神各四兩 白朮

黃芩 細辛各一兩 秦艽 防風各一兩半 菊花

一升淡竹瀝四升

類聚十五
二十一

右二十一味吹咀以水一斗先煮麻黃去沫取七升內竹瀝及藥煮取三升分四服服三服訖間一盃粥後更進一服待藥勢自汗慎生冷醋蒜麪乳酪魚等

治中風面目相引口偏著耳牙車急舌不得轉方

獨活三雨竹瀝 生地黃汁各一升
右三味合煎取一升頓服之即愈○袖珍方右等分水二盞煎至一盞通口食後服

又方牡蠣神巧萬全方燒粉礬石萬全方火煨附子萬全方各

半兩竈下黃土萬全方竈中黃土一分

右四味各等分爲末取三年雄雞冠血和藥傳其上萬全方傳其急處

持鏡候纔欲復故便急洗去之不速去便過不復還也千金翼云偏右塗左偏左塗右袖珍方肘後方同

又方竹瀝三升防風 防己 升麻 桂心

芎藭各二兩麻黃四兩羚羊角三兩

類聚十五
類聚十五
類聚十五

右入味味咬以水四升合竹瀝煮取一升
半分三服日服一劑常用效

又方青松葉一斤擣令汁出清酒一斗漬二
宿近火一宿初服半升漸至一升頭面汗
出即止

又方酒煮桂得效方肘後方經驗良方衛生
易簡方桂心壽域神方桂心不
拘多取汁以故布搨病上得效方良方故
少紙煮貼患處
正則止左喎搨右右喎搨左此秘方不傳
余常用大效

治口耳僻方

防風 附子 葛根各二兩 柏實 麻黃各三

兩獨活 生薑各四兩 杏仁三十枚

右八味咬咀以水一斗酒二升煮取三升
分四服

治卒中風口喎不正方取空青末如豆大一
枚含之即愈○肘後方取空青末著口中
入咽即愈姚同

又方炒大豆衛生易簡方大豆麩三升令焦以酒三升

類聚十五

淋取汁頓服易簡方一肘後以治口噤不

開

又方大皂莢一兩去皮子經驗良方下篩肘後

方壽域神方衛生易簡以三年大酢良方

方皂角五兩去皮為末和左嚼塗右右嚼塗左乾更塗

米醋易簡之良方又云

枳茹酒主諸藥不能瘥者方枳實上青刮取

末欲至心止得茹五升微火炒去濕氣以

酒一斗漬微火暖令得藥味隨性飲之主

口僻眼急大驗治緩風急風並佳肘後以

治身直不得屈伸反覆者枳樹皮亦得

角弓反張

治卒半身不遂手足拘急不得屈伸身體冷

或智或癡或身強直不語或生或死狂言不

可名狀角弓反張或欲得食或不用食或大

小便不利皆療之方古今錄驗名八風續命

湯

人參 桂心 當歸 獨活 黃芩 乾

類聚十五

二十三

薑 甘草各十石膏一兩杏仁四十枚

右九味咬咀以井華水九升煮取三升分

三服日二覆取汗不汗更合加麻黃五兩

合服

倉公當歸湯治賊風口噤角弓反張廵者方

當歸 防風各十獨活一兩附子一枚細辛

半兩麻黃三十

右六味咬咀以酒五升水三升煮取三升

服一升口不開者格口內湯一服當蘇二

服小汗三服大汗

又方酒一斗膠二斤煮令烊得六升每服一

升稍服得愈

又方單服荆瀝良

秦艽散治半身不遂言語錯亂乍喜乍悲角

弓反張皮膚風癢方

秦艽 獨活胡洽用黃耆 人參 甘菊

花各二茵芋十八防風 石斛

草蘇治用山茱萸 桂心各一附子 芎藭

類聚十五

二十四

胡洽用 桔梗 細辛 當歸 五味子 甘草

白朮 乾薑 白鮮皮 胡洽用白 歛 麻黃

天雄 遠志 各一兩胡洽用防已

右二十一味治下篩酒服方寸七日再漸

漸加至二匕又云治風無新久并補

吳秦艸散治風注入肢體百脉身腫角弓反

張手足酸疼皮膚習習身體盡痛眉毛墮落

耳聾驚悸心滿短氣魂志不定陰下濕癢大

便有血小便赤黃五勞七傷萬病皆治

秦艸 蜀椒 人參 茯苓 牡蠣 細

辛 栝藁根 麻黃 各十銖 乾薑 附子

白朮 桔梗 桂心 獨活 當歸 各一兩

黃芩 柴胡 牛膝 天雄 石南 杜

仲 莽草 烏頭 各半兩 甘草 芎藭 防

風 各一兩半

右二十六味治下篩盛以韋袋食前溫酒

一升服方寸匕日三服急行七百步更飲

酒一升忌如常法

風痺

血痺病從何而得之師曰夫尊榮人骨弱肌膚盛因疲勞汗出臥不時動搖加被微風遂得之形如風狀巢源云其狀如但以脉自微澀澀在寸口關上緊宜針引陽氣令脉和緊去則愈

治風濕脉浮身重汗出惡風方

甘草二兩黃耆五兩漢防已四兩生薑白朮各三兩大棗十二枚

右六味咬咀以水六升煮取三升分三服服了坐被中欲解如蟲行皮中卧取汗

鐵精湯治三陰三陽厥逆寒食胃脅支滿病

不能言氣滿胷中急肩息四肢時寒熱不隨

喘悸煩亂吸吸少氣言輒飛颺虛損方

黃鐵三十斤以流水八斗揚之三千遍炭五十斤燒鐵令赤投冷水復燒

七遍如此澄清半夏取汁二斗煮藥麥門冬各一升白薇

黃芩各四兩芍藥各四兩人參三兩石膏五兩

生薑二兩大棗二十枚

右十二味咬咀內前汁中煮取六升服一升日三服兩日令盡

黃耆湯治血痺陰陽俱微寸口關上微尺中
小緊外證身體不仁如風狀方

蜀黃耆 人參要略無 芍藥 桂心各二兩 生

薑六兩 大棗十二枚

右六味咬咀以水六升煮取二升服七合日三服令盡

治遊風行走無定腫或如盤大或如甌或著

腹背或著臂或著脚悉主之方

海藻 茯苓 防風 獨活 附子 白

朮各三兩 大黃五兩 鬼箭 當歸各二兩一本作當六

右九味咬咀以酒二斗漬五日初服二合漸加以知為度

白欬散治風痺腫筋急展轉易常處方

白欬半兩 附子六銖

右二味治下篩酒服半刀圭日三不知增至一乃圭身中熱行為候十日便覺○壽

域神方若有腫痺虛者取白欵二分附子一分搗服半刀圭每日可三服用薑湯調下

治風痺遊走無定處名曰血痺大易方

草薺 薯蕷 牛膝 澤瀉各二兩 地膚子

白朮各半兩 乾漆 蟬蛻 狗脊 車前子

天雄各十銖 茵芋六兩 山茱萸三十銖 乾地黄二兩

右十四味為末蜜和丸如梧子酒下十九

日三後稍加

治諸風痺方

防風 甘草 黃芩 桂心 當歸 茯

苓各一兩 秦艽 葛根各二兩 生薑五兩 大棗十三枚

杏仁五十枚

右十一味咬咀以酒水各四升煮取三升

分三服取汗

附子酒治大風冷三因方治中風風冷痰痺脹滿諸痺

方大附子一枚重二兩者亦云二枚三因方一

類聚 十五

三十九

枚去皮臍酒五升三因方淳漬春五日三因
切作四片酒一升方又云夏三每服一合日再以瘥為度三因
日秋冬七日每服一合日二三服以痺住為效未知再作○衛生易簡方治
偏風半身不遂及大風冷痰癱脹滿用生
附子一兩剉碎酒一升漬春冬五日夏秋
三日服一合以差為度

麻子酒治虛勞百病傷寒風濕及婦人帶下
月水往來不調手足疼痺著牀服之令人肥
健方

麻子石一法麴斗一

右二味先搗麻子成末以水兩石著釜中
蒸麻子極熟炊一石米頃出滓隨汁多少
如家醞法候熟取清酒隨性飲之

頭面風

芎藭酒治腦風頭重頸項強眼眈眈淚出善
欠目欲眠睡憎風劇者耳鳴滿眉眼疼悶吐
逆眩倒不自禁諸風乘虛經五臟六腑皆為
癩狂諸邪病悉主之方

芎藭 辛夷 天雄 人參 天門冬
 栝子人 礞石 石膏 茵芋 山茱萸
 白頭翁 桂心 秦艽各三兩 松蘿 羚羊
 角 細辛 薯蕷 菖蒲 甘草各二兩 防
 風四兩 雲母一兩燒令赤末為粉
 右二十一味 㕮咀以酒二斗漬七日初服
 二合漸加至五合日三有女人少時患風
 眩發則倒地為婦積年無兒服此酒并將
 紫石門冬丸服之眩瘥生兒平復紫石門冬丸方

見婦人門求嗣

治頭眩屋轉眼不得開方

翼名人參湯

人參 當歸 防風 黃耆 麥門冬

芍藥各二兩 獨活 白朮 桂心各三兩

右九味 㕮咀以水一斗煮取三升分三服

防風湯治風眩嘔逆水漿不下食輒嘔起即眩倒發有時手足厥冷方

防風 防已 附子 乾薑 甘草各一兩

蜀椒 桂心各二兩

右七味咬咀以水四升煮取二升分三服
日三古今錄驗用白朮一兩

又方治頭風眩欲倒眼旋屋轉腦痛方

防風 枳實 杏仁 芎藭各三兩 茯苓

麻黃 前胡 生薑 半夏各四兩 細辛二兩

竹瀝三升

右十一味咬咀以水六升合竹瀝煎取二升七合分三服頻服三兩劑佳

茵芋湯治風虛眩眼暗方

茵芋一分 人參 甘草 菴蓉 黃耆 茯苓

苓 秦艽 厚朴 烏喙各二兩 防風六兩 山

茱萸 松實各三兩

右十二味咬咀以水一斗煮取二升半分五服强者一日夜盡羸劣分五服二日盡

鷓鴣頭酒治風頭眩轉面上遊風方

飛鷓鴣頭五兩 茯苓一方 防風 芎藭 薯蕷

各四兩 葛根 桂心 細辛 人參 天雄

乾薑 枳實 貫衆 蜀椒各三兩 獨活二兩

麥門冬

一作天門冬

石南

一作石各五兩

石膏

山茱萸升一

右十八味咬咀絹囊盛清酒四斗漬六宿

初服二合日再服稍加以知為度

大三五七散治頭風眩口喎目斜耳聾方

天雄

細辛

各三兩

山茱萸

乾薑

各五兩

薯

蕞

防風

各七兩

右六味治下篩清酒服五分七日再不知

稍加千金翼云亦治面骨疼○和劑局方

加減三五七散治八風五痺癱瘓躄曳口

眼喎斜眉角牽引項背拘強牙關緊急心

中憤悶神色如醉遍身發熱骨節煩疼肌

肉麻木腰膝不仁皮膚瞶動或如虫行又

治陽虛頭痛風寒入腦目旋運轉有似舟

舩之上耳內蟬鳴或如風雨之聲應風寒

濕痺脚氣緩弱等疾並皆治之

醫方大成集成南北

經驗方抽珍方永類鈐方治八風五痺肢

體不仁大治風寒入腦陽虛頭痛畏聞人

聲目旋運轉耳內蟬鳴應山茱萸大成核

有濕痺脚氣緩弱並治
去乾薑炮各三斤○防風去蘆四斤附子三

五箇炮細辛一斤一方天雄細辛各三錢乾
 薑山茱萸各五錢山芋防風各七錢右為
 細末每服二錢溫酒調下食前服即大三
 五積散簡易方治證與防風四山茱萸茯苓
 局方同附子二介炮
 去皮臍右
 為細末每服二錢溫酒調下 聖惠方治
 風頭旋目疼體痛用防風山茱萸川芎甘
 菊花細辛天雄炮山藥各半
 兩為細末每二
 錢溫酒調食前服名山茱萸散 全生方

治頭面風多汗惡風頭痛不可以風謂之
 頭面風用川白芷三兩山茱萸山藥甘菊花
 細辛天雄紛草各半
 兩為末每二錢溫酒調
 下不拘時名白芷散 本事方治風眩頭
 暈用山茱萸一兩山藥人參茯神甘菊花大
 川芎各半
 兩細末每二錢溫酒調下不拘時
 日二三服名川芎散管見大全
 良方同
 小三五七散治頭風目眩耳聾方
 天雄三兩薯蕷七兩山茱萸五兩

右三味治下篩以清酒服五分七日再不
知稍增以知為度

茯神湯治風眩倒屋轉吐逆惡聞人聲方

茯神 獨活各四兩 黃耆 遠志 防風各五

兩生薑三兩 甘草 人參 當歸 牡蠣

白朮 菴蓉 附子各二兩

右十三味咬咀以勞水一斗二升煮取三
升服五合一日夜盡

防風散治頭面風在眉間得熱如蟲行或頭

眩目中淚出

防風五兩 桂心 天雄 細辛 朱砂 乾

薑 人參 烏頭 附子各二兩 莽草 茯

苓 當歸各一兩

右十二味治下篩酒服方寸七日三

又方治風頭眩惡風吐冷水心悶方

防風二兩 澤瀉一作澤蘭 天雄翼作人參 細辛 附子

薯蕷 茯苓各一兩 白朮二兩 桂心一兩 乾

薑四兩

右十味治下篩酒服方寸匕常令酒氣相接則脫巾帽解髮梳頭百過復投一升酒便洗手足須臾自熱解髮以粉粉之快然便熟眠愈亦可洗頭面汗出翼云如服寒食散法

治風眩翻倒無定方

獨活六兩石膏兩 蒴藿各四兩 枳實三兩一方用松實
右四味咬咀以清酒八升煮取四升頓服之以藥滓熨頭覆眠取汗覺冷又內鑊中

炒令熱熨之○聖惠方治風頭旋起倒無定宜服枳實散方枳實三分微炒令黃獨活一兩
石膏一兩蒴藿一兩右件藥擣麤羅爲散每服三錢以酒一中盞煎至六分去滓不計時候溫服

治患頭眩運經久得瘥後四體漸羸食無味好食黃土方
麴二斤白朮三斤
右二味爲末酒和併手丸如梧桐子曝乾

飲服三十九日三斷食土為效

治頭中五十種病方

巴戟 菊花 芎藭 乾薑 栝婁根

防風 石南 白朮 烏頭 山茱萸

附子 細辛 薯蕷 蜀椒 乾地黄

人參 桔梗 秦艽 澤瀉 甘草

天雄 羌活 各等分

右二十二味治下篩以酒服方寸匕日三

摩頭散治同前

藷茹 半夏 蜀椒 各六分 烏頭 八分 桂心 七分

莽草 四分 附子 細辛 各一分

右八味治下篩以大酢和摩頭記日數三

日頭膚痛四五日後一著藥如前十日以

酢漿洗頭復摩藥即愈若生息肉并喉咽

中息肉大如棗欲塞以藥摩之即愈耳鼻

齒有疾並用之良

入頂散治頭面脹滿腦癢偏枯發作有時狀

似刀刺失聲陰陰然疼面日變青方

山茱萸 芎藭 防風 獨活 各一兩半 細辛

莽草 白朮 薯蕷 牛膝 石南 甘

草 各一兩 烏頭 通草 菖蒲 附子 麻

黃 天雄 蜀椒 桔梗 各一兩 六錢

右十九味治下篩酒服方寸七日三

杏人膏治上氣頭面風頭痛胃中氣滿黃肥

氣上下往來心下煩熱產婦金瘡百病方

杏人 一升去皮尖雙 人者不在用

右一味搗研以水一斗濾取汁令盡以銅

器燂火上從旦煮至日入當熟如脂膏下

之空腹酒服一方寸七日三不飲酒者以

飲服之慎猪魚蒜酢○衛生易簡方治頭

風用杏人一升去皮尖雙仁水研絞汁熬

如膏和酒或羹粥內攪二匙食後服十日

後汗出永差

大豆酒治頭風方○肘後方治頭風頭痛

大豆 三升炒 令無聲

右一味先以一斗二升瓶盛清酒九升乘

豆熱卽傾著酒中密泥頭七日溫服之

治中風頭痛發熱耳頰急方

麻黃 葛根 石膏 桂心各三兩 附子

芍藥 甘草 秦艽 防風各二兩 生薑五兩

右十味咬咀以水一斗煮取三升分三服

覆取汗

薯蕷散治頭目有風牽引目睛疼痛偏視不

明方

薯蕷三兩 細辛一兩 秦艽 天雄各二兩 獨活

桂心 山茱萸各二兩半

右七味治下篩酒服方寸七日三

治頭中痛身熱風熱方

竹瀝三升 升麻 生薑 杏仁各三兩 芍藥

柴胡各四兩 石膏 生葛根各八兩

右八味咬咀以水六升合竹瀝煮取二升

七合分三服

菊花散治頭面遊風方

菊花一兩 細辛 附子 桂心 乾薑 巴

戟 人參 石南 天雄 茯苓 秦艽

防已 各二兩 防風 白朮 山茱萸 薯蕷

各三兩 蜀椒 五

右十七味治下篩酒服方寸七日三

治頭面上風方

松脂 石鹽 杏仁 蜜蠟 各一兩 薰陸香

二兩 草麻人 三兩

右六味熟搗作餅淨剃百會上髮貼膏膏

上安紙三日一易若癢刺藥上不久風定

治頭風方服荆瀝不限多少取瘥止

又方擣蒟藿根一升酒二升漬服汗出止

又方蔓荆子一升為末絹袋盛以酒一斗浸

七宿溫服三合日三

又方臘月烏雞屎一升炒令黃為末絹袋盛

以酒三升浸溫服任性常令醱酣

又方七月七日麻勃三斗麻子一石末相和

蒸之沸湯一石五斗三徧淋之煮取一石

漬神麴二十斤令發釀黍米兩石五斗熟

封三七日服清一升百日身中澀皮八風
曾隔五臟骨髓伏風百病悉去

治卒中惡風頭痛方擣生烏頭以大酢和塗
故布上薄痛處須臾痛止日夜五六薄逐
痛處薄之擣烏頭須去皮

又方鹽一升為末以麻油二升煎一宿令消
煮塗頭石鹽尤良

又方芥子為末酢和傳頭一周時
沐頭湯治肺勞熱不問冬夏老少頭生白屑

搔癢不堪然肺為五臟之蓋其勞損傷肺氣
衝頭頂致使頭癢多生白屑搔之隨手起人
多患此皆從肺來世呼為頭風也

大麻子 秦椒各三升 皂莢屑五合肘後無

右三味熟研內泔中一宿漬去滓木匕攪
百偏取勞乃用沐頭髮際更別作皂莢湯
濯之然後傅膏

又方菊花 獨活 茵芋 防風 細辛
蜀椒 皂莢 杜蘅 莽草 桂心

右十味各等分可作湯沐及熨之

又方猪椒根三兩麻黃根 防風各二兩 細辛

茵芋各一兩

右五味咬咀以水三斗煮取一斗去滓温以沐頭

又方葶藶子煮湯以沐不過三四度愈○肘

後方治頭風擣葶藶子以湯淋取汁洗頭上

又方蜀椒二升以水煮取汁沐髮良

又方以桑灰汁沐頭去白屑神良

治頭項強不得顧視方蒸好大豆一斗衛生易簡

升方一令變色內囊中枕之

又方常以九月九日取菊花作枕袋枕臥良

又方八月後取荆芥鋪狀又作枕枕頭立春日去之

又方穿地作小坑燒令赤以水沃之令小冷

内生桃葉滿其上布席就臥令項當藥上以衣著頂兩邊令氣蒸病上衛生易簡汗

出良久愈若病大者作地坑亦大

犀角湯治風毒熱頭面腫方

犀角 生薑各二兩 苦參 括蕞根 防風

各一兩 石膏六兩 黃芩 青木香 升麻各三兩

防已一兩 竹葉兩

右十一味咬咀以水七升煮取二升分三

服相去十里久內消不利

防風散治頭面徧身風腫方

防風二兩 白芷兩 白朮三兩

右三味治下篩酒服方寸七日三

治卒中風頭面腫方搗杏仁如膏以雞子黃

合搗令相得傅帛上厚裹之自乾不過八

九傅瘥○肘後方杵杏仁如膏傅之壽域神方

同衛生易簡方用杏仁研如膏傅之或用

臘猪脂和傅之

風眩前卷既有頭面風方風眩不當分

以餘方相雜故此特立風眩方傳專出徐氏方焉

徐嗣伯曰余少承家業頗習經方名醫要治

備聞之矣自謂風眩多途諸家未能必驗至於此術鄙意偏所究也少來用之百無遺策今年將衰暮恐奄忽不追故顯明證論以貽於後云爾夫風眩之病起於心氣不定脣上蓄實故有高風面熱之所爲也痰熱相感而動風風心相亂則悶昏故謂之風眩大人曰癩小兒則爲癩其實則一此方療治萬無不愈但恐證候不審或致差違大都忌食十二屬肉而責豚爲患發多氣急氣急則死不可

救故此一湯是輕重之宜勿因此便謂非患所治風眩湯散九煎凡有十方凡人初發宜急與續命湯也困急時但度灸穴便火針針之無不瘥者初得針竟便灸最良灸法次列於後余業之以來三十餘年所救活者數千百人無不瘥矣後人能曉此方幸勿參以餘術焉

續命湯治風眩發則煩悶無知口沫出四體角弓目反上口噤不得言方

竹瀝二合升生地黃汁升一龍齒 生薑 防

風 麻黃兩各四防已兩三附子分三石膏兩七桂

心兩二

右十味咬咀以水一斗煮取三升分三服

有氣加附子作一兩紫蘇子五合橘皮半

兩已服續命湯口開四肢尚未好定而心

中尚不除者紫石湯主之方見癰癩門紫石煮

散是也○神巧萬全方龍齒末防風麻黃

去節各防已兩附子炮各一石膏三兩桂心

兩一右件擣為麤散每服四錢水一大盞生薑半分竹瀝生地黃各二合同煎八分瀝去滓服有氣加附子半兩紫蘇子二合橘皮一分同杵為散

賁豚湯治氣奔急欲絕者方

吳茱萸升一石膏 人參 半夏 芍藥各

分桂心 芍藥 生薑各四生葛根 茯苓

苓各十當歸兩四李根皮斤一

右十二味咬咀以水七升清酒八升煮取

三升分三服

防已地黃湯治言語狂錯眼目霍霍或言見鬼精神昏亂

防已 甘草各二兩 桂心 防風各三兩 生地

黃五斤別切勿合藥漬疾小輕用二斤

右五味咬咀以水一升漬一宿絞汁著一面取滓著竹簣上以地黃著藥滓上於五斗米下蒸之以銅器承取汁飯熟以向前藥汁合絞取之分再服

薯蕷湯治心中驚悸而四肢緩頭面熱心胃痰滿頭目眩胃如欲搖動者方

薯蕷 麥門冬 人參各四兩 生地黃 前

胡 芎藭各八合 枳實 遠志 生薑各三分

茯苓 茯神各六分 半夏五分 甘草 黃芩

竹葉各二分 秫米三合

右十六味咬咀取江水高舉手揚三百九十下量取三斗煮米減一斗內半夏復減九升去滓下藥煮取四升分四服無江水

處以千里東流水代之按手令上頭也秦中無江水涇謂水可用諸葛灌劍由尚取之

防風湯服前湯後四體尚不涼冷頭目眩轉者服之此湯大勝宜長將服但藥中小小消息隨冷暖耳仍不除瘥者依此方

防風 石膏 人參 赤石脂 白石脂
生薑 龍骨 寒水石 茯苓 各三分
桂心 紫石 分一

右十一味以水八升煮取三升分三服凡用井花水者取清淨也今用江水無泥又無砂穢源泉遠涉順勢歸海不逆上流用以治頭必歸於下故也

薯蕷煎方

薯蕷 分二十 甘草 分十四 澤瀉 人參 黃芩
各四分 當歸 白欽 桂心 防風 麥門
冬 分三 山茱萸 桔梗 芍藥 紫苑 大
豆黃卷 乾地黃 白朮 芎藭 乾薑

蜀椒各二分已上二生地黄取十八斤搗絞

半鹿雜髓鹿角膠八大棗八十麻子

人研蜜各三桑根皮五升忌濁上自出土

垣墻下溝瀆邊者皆不用

右二十七味以清酒二斗四升煮桑白皮

麻子棗得一斗去滓次下地黄汁膠蠶蜜

煎減半內前諸末併煎令可丸如雞子黃

大飲服一枚日三稍加至三丸

薯蕷圓治頭目眩冒心中煩鬱驚悸狂癲方

薯蕷二十分甘草二十分鹿角膠大豆黃卷

桂心各七分乾地黄神麴當歸人參

各十分麥門冬防風黃芩芍藥白

木各六分柴胡桔梗茯苓杏仁芎

藟各五分白斂乾薑各三分大棗取膏一百枚

右二十二味為末合白蜜棗膏丸如彈丸

先食服一丸日三

天雄散治頭目眩運屋轉旋倒者方

天雄防風芎藭人參獨活桂

心 葛根 各三分 莽草 四斤 白朮 遠志 薯

黃 茯神 山茱萸 各六分

右十三味治下篩丸食以菊花酒服方寸

匕日二漸加至三七以知為度菊花酒法

九月九日取鄧州甘菊花暴乾作末以米

饋中烝作酒

人參圓治心中時恍惚不定者方

上黨人參 鬼臼 鐵精 牛黃 丹砂

雄黃 大黃 菖蒲 防風 各一兩 蜥蜴

赤足蜈蚣 各一枚

右十一味為末蜜丸如梧子大用前菊花

酒服七丸日三夜一稍加之合藥勿用青

紙忌見婦人青衣人喪孝不具足人及濁

穢六畜雞犬鼠等

灸法其法以繩橫度口至兩邊既得口度之

寸數便以其繩一頭更度鼻盡其兩邊兩

孔間得鼻度之寸數中屈之取半合於口

之全度中屈之先覓頭上迴髮當迴髮灸

之以度度四邊左右前後當繩端而灸前以面為正並依年壯多少一年凡三灸皆須瘡瘥又灸壯數如前若連灸火氣引上其數處迴髮者則灸其近當鼻也若迴髮近額者亦宜灸若指面為癩則闕其面處然病重者亦不得計此也

治癢癢方以水銀和胡粉傅之

治身體搔癢白如癬狀者方

楮子三枚猪脰一具鹽一升礬石兩一

右四味以苦酒一升合搗令熟以拭身體

日三

治瀝易方

肘後方治瀝瘍風及三年

以三年醋磨烏賊骨

先以布摩肉令赤次傅之

聖惠方同

又方醋磨硫黃塗最上集驗又磨附子硫黃

上使熟將臥以布拭病上乃以藥傅之○

聖惠方治身瀝瘍風斑駁方附子

半兩去皮臍

硫黃半兩右件藥搗同研為散用米醋調

如膏先以布搯瘡令赤痛即塗之

又方取途中先死蟻蝦搗爛塗之當指令熱封上一宿瘡

又方白欵 薰陸香

右二味指上作末水服瘡

又方硫黃 雌黃 槲皮 燒 蛇蛻 一具

右四味各等分擣篩以清漆合和薄塗白

處欲塗時先以巴豆半截拭白處皮微破

然後傅之不過三兩度

又方硫黃 水銀 礬石 竈墨 各等分

右四味擣篩內坩子中以葱葉中涕和研聖惠方和研臨臥傅病上令水銀星盡

九江散治白癩風及二百六十種大風方

當歸 七分 石南 六分 附子 躑躅 秦艽 菊

花 乾薑 防風 雄黃 麝香 丹砂

斑猫 各四兩 蜀椒 連翹 鬼箭羽 石長

生 知母 各八兩 鬼臼 十一分 人參 玉不留

行 石斛 天雄 烏頭 獨活 防己

莽草 各十分 水蛭 伯 蜈蚣 三枚 蜜蟲 地膽 十台

枚

右三十味諸蟲皆去足翅熬炙令熟為散以酒服方寸七日再其病入髮令髮白服之百日愈髮還黑

又方天雄

白欬

黃芩

各三兩

乾薑

四兩

附子

一兩商陸

躑躅

各一升

右七味治下篩酒服五分七日三

治白癩方○聖惠方治白癩風徧身斑點癢痒煙霞聖效方治白癩風因風虛生也出廣

濟方

礬石

硫黃

右二味各等分為末酢和傅之

又方平旦以手掉取韭頭露塗之極效

又方以酒

聖惠方温酒

服生胡麻油一合日三

聖惠

方半合稍稍加至五合慎生冷猪雞魚蒜

等百日服五斗瘥

又方取羅摩草煮汁拭之亦指合傷擗白汁

塗之○聖惠方治白癩風羅摩白汁右先

用生布揩之令微破塗之不過三上差生衛

易簡方同

又方石灰松脂酒主之方見下惡疾大風

又方以蛇蛻皮熬摩數百過棄置草中

又方樹空中水洗桂為末唾和塗之日三

又方以水銀數數拭之令熱即消瘡乃止

治凡身諸處白駁漸漸長似癬但無瘡方取

鰻鱺魚脂塗之先揩病上使痛然後塗○

聖惠方右先洗拭駁上指令燥痛以魚脂

塗上便愈肘方云甚者不過三度

惡疾大風

茵豆治惡疾方細粒烏頭擇取摩之皮不落

者取三月四月天雄烏頭苗及根淨去土

勿洗擣絞取汁漬豆一宿漉出曝乾如此

七反始堪服初服三枚漸加至六七枚日

一服禁房室猪魚雞蒜畢身毛髮即生犯

藥不瘥○聖惠方治大風癩惡瘡至甚服

黑豆方小粒黑豆揀取一升四月採天雄

烏頭淨去土勿洗搗絞取汁二升漬豆一宿早晨漉出曝乾如此七度止每服取豆三粒以溫酒下漸加至六粒日三服神巧萬全

同方

岐伯神聖散治萬病癰疽癩疥癬風痿骨肉疽敗百節痛眉毛髮落身體淫淫躍躍痛癢目痛皆爛耳聾齒齩痔瘻

天雄 附子 茵芋 外臺作茵草 躑躅 細辛
烏頭 石南 乾薑 各一兩 蜀椒 防風

菖蒲 各二兩 白朮 獨活 各三兩

右十三味治下篩酒服方寸七日三勿增之

狼毒散治惡疾方

狼毒 秦艽 各等分

右二味治下篩酒服方寸七日三服五日愈

又方煉松脂投冷水中二十遍蜜丸服二丸衛生易簡方服三兩壽域神方用松脂不拘多少煉化投冷水二十日取出為丸每

服二遇飢則服之日三鼻柱斷離者二百錢
 日服之瘥斷鹽及雜食房室○聖惠方治
 中大風癩疾神巧萬全方此下松脂丸方
 鍊成松脂計白色者不右件藥搗熟研鍊蜜
 和丸如梧桐子大每服食前以蜜湯下二
 十丸瑣碎錄服一月後大效直指方治大
 風單服煉成松脂

又方天門冬酒服百日愈

石灰酒主生毛髮眉鬚去大風方

石灰一石拌水和松脂成煉十斤上麴一
升二黍米石一

右四味先於大鍋內炒石灰以木札著灰
 中火出為度以枸杞根剉五斗水一石五
 升煮取九斗去滓以淋石灰三遍澄清以
 石灰汁和漬麴用汁多少一如釀酒法訖
 封四七日開服常令酒氣相及為度百無
 所忌不得觸風其米泔及飯糟一事已上
 不得使人畜犬鼠食之皆令深埋却此酒

九月作二月止恐熱隔上熱者服後進三五口冷飯壓之婦人不能飲食黃瘦積年及蓐風不過一石卽瘥其松脂末初醱釀酒攤飯時均散著飯上待飯冷乃投之此酒飯宜冷不爾卽醋宜知之

治大風眉鬚落赤白癩病八風十二痺筋急肢節緩弱飛尸遁注水腫癰疽疥癬惡瘡脚攣手折眼闇洞洩痰飲宿癖寒冷方

麴

二十斤商陸根二十五斤馬耳切之

右二味合於甕中水一斛漬之炊黍米一石釀如家法使麴米相淹三酸畢密封三七日開視麴浮酒熟澄清溫服三升輕者二升藥發吐下爲佳宜食弱者煮飯牛羊鹿肉羹禁生冷醋滑及猪犬雞魚等○聖惠方治大風眉鬚墮落皮肉頑痺筋脉不利商陸釀酒方商陸二十五斤切麴十五斤右件藥以水二斛拌漬炊黍米一碩釀如常法三醞訖封七日開看酒熟澄清隨性溫服

之病重者服至三斗輕者二斗藥發得吐
下佳宜喫鹿肉羹臠

治風身體如蟲行方鹽一斗水一石煎減半

澄清溫洗浴三四遍肘後方三五度并療一切風

又方以淳灰汁洗面不過一月

又方以大豆漬飯漿水旦旦溫洗面洗頭髮

不淨加少麵勿以水濯之不過十度

又方成煉雄黃松脂各等分蜜和丸如梧桐

子大飲下十九日三服百日愈慎酒肉葷

豉等

千金月令

治中攤緩風四肢不遂方

黃明膠

二兩
炙末
豉三合

右以水一升煮豉取八合去滓內膠膠銷

空腹服分再服覆取汗三兩日一服○壽

域神方治癱瘓風及諸風手脚不遂腰腿

無力用阿膠驢皮熬者炙令微起以水一

升煮香豆豉二合去滓入膠煮六七沸膠

類聚十五
五十五

烱化盡頓服之仍煮葱豉粥一升任意服

食三四劑則止衛生易簡方同

又方生地黃汁一升竹瀝一升獨活二兩防風一兩附

子一顆

右剉合煮取半升去滓空腹頓服忌生冷

猪肉豉汁

治毒風入骨髓疼痛方右取虎骨炙令黃麤

擣絹袋盛酒浸三日後量器溫服之○聖

惠方虎骨一具塗酥微黃右搗碎以生絹袋盛

以清酒三斗於瓷甌中浸密封春夏七日
秋冬二七日後開取每日隨性稍稍飲之
其酒旋取旋添以差為度

治卒風毒腫方

牛蒡根汁三合鹽花一合

右以酒一升煎如飴塗之○聖惠方治熱
毒風攻頭目及腦中掣痛不可忍者摩頂
膏方牛蒡根汁一升右入無灰酒半升鹽花
半匙以慢火煎令成膏用之摩頂風毒氣

散痛即自止亦治時行頭痛甚良肘後方
治風頭及腦掣痛不可禁者摩膏主之取
牛蒡莖葉搗取濃汁二升合無灰酒一升
搥花一匙頭煑火煎令稠成膏以摩痛處
風毒散自止亦主時行頭痛摩時須極力
令作熱乃速效冬月無葉用根代之亦可

治中風白汗方

肘後方若中暴風
白汗出如水者

石膏

甘草

炙等分
為末

右以酒服一匕日移一丈一服忌蒜

治中風耳痛有汁方右熬杏仁令赤黑色搗

如膏絲裏塞耳中日三易之

治白癩風方右取白蒺藜子生搗為末作湯
服之

治卒患偏口喎語澁方

羚羊角

屑

茯苓

人參

遺草

各一兩

右搗篩蜜和為丸空腹淡竹瀝下二十九
晚服以荆瀝下之忌熱麪

又方右取衣中白魚摩耳下穴口向左摩右

穴向右摩左穴似正即止 衛生易簡方同

治風頭痛方右以鼓湯洗頭避風即差 肘後方同

治頭旋及風痰耳鳴方

菊花 枳實 炒 前胡 芎藭 白鮮皮 上已

各四分 防風 五分 伏神 六分 淡竹葉 四十九片切

右剉用水一升八合煎取七合去滓食後

分溫兩服忌熱麵炙燖醋物

治風毒頑痺攣躄方

烏雌雞一隻 理如生附子六兩皮削去尖

右以附子末加雞上以火炙令黃焦擣為散空腹酒下一錢七日兩服漸加止三服以皮中痺瘡為度忌豬肉熱麪豉汁

四月 此下運化玄樞 樞方熟可以飲樞酒尤

治風熱之疾 運化玄樞夏四月十六日宜飲桑樞酒尤治風熱之疾亦可造

煎樞

造樞煎法

樞汁 三斗 白蜜 兩 酥 兩 生薑汁 一合

右重湯煮樞汁取三升入鹽酥等煮令得

所於不津器中貯之每服一合和酒調服
理百種風疾

海上仙方

頭風頭痛

頭風頭痛兩太陽芎芷石膏三味彊細末三
錢熱茶下當時喫了便安康

破傷風

破傷風動莫遲延脫殼秋蟬三錢緊了牙
關難治療燒灰酒下便依然

聖惠方

治中風失音不語諸方

夫喉嚨者氣之所以上下也喉厭巢氏病源會厭下同

者音聲之門戶也舌者聲之機口巢源作唇者聲

之扇也風寒客於喉厭之間故卒然無音皆

由風邪所傷故致失音不語也又醉臥當風

令人失音也

治中風失音不語兩目不開短氣欲死宜服

防風散方

防風兩去 羚羊角屑一兩 獨活兩一 赤箭兩一

當歸兩一 杏仁一兩湯浸去皮尖 秦艽半兩

麻黃二兩去根節 桂心兩一 前胡半兩去蘆頭 甘草兩半

赤剉

右件藥擣篩為散每服四錢以水一中盞

入生薑半分煎至六分去滓不計時候溫

服

治中風失音不語氣厥無脉手足拘急宜服

附子散方

附子一兩炮裂 細辛兩一 乾薑一兩炮裂 甘草

一兩炙 麥門冬三兩去心 桂心兩一 獨活兩一 當歸

一兩 白朮兩一

右件藥擣篩為散每服四錢以水一中盞

煎至六分去滓不計時候溫服

治中風失音不語宜服羌活飲子方

羌活兩一 人參半兩去蘆頭 附子半兩炮裂 甘草

一分炙 荆瀝一盞 大竹瀝一盞 大生地黃汁一盞

蓋

右件藥細剉以三味汁煎諸藥至一大盞半去滓不計時候分溫四服

治中風失音不語昏沉不識人宜服竹瀝飲子方

竹瀝合二荆瀝合二消梨汁合二陳醬汁合半

右件藥相和微煖細細嚙口中即差

治中風失音不語手脚轉動不得宜服荆瀝飲子方

荆瀝合三生葛根汁合二蜜匙一竹瀝合三

右件藥相和令勻不計時候溫服二合

治中風失音不語煩熱頭痛宜服烏金煎方

黑豆二升淨淘過羌活二兩獨活二兩荆芥一兩

右件藥擣羅為末先以水五大椀煮黑豆令爛去豆取汁入諸藥末慢火煎十餘沸次漸入無灰酒一升煎為膏盛於瓷器中每服不計時候以溫酒調下半匙頭

治中風失音不語宜服桂心散方

桂心一兩羌活二兩防風二兩去蘆頭二兩附子一兩去裂皮

臍赤箭兩一 羚羊角屑兩一 酸棗人兩一 甘草兩半
炙微赤剉

右件藥搗篩為散每服四錢以水一中盞煎至五分去滓入竹瀝一合更煎一兩沸不計時候溫服

治中風失音不語四肢強直宜服獨活散方

獨活兩一 防風兩一 蘆頭兩去 桂心兩半 秦艽兩一 兩去 苗荆
芥穗兩一 白朮兩一 甘草兩半 兩炙 葛根兩一 兩剉 附子兩一 兩剉 裂
去皮臍

又右件藥搗麤羅為散每服四錢以水一中盞入生薑半分煎至六分去滓不計時候

溫服

治中風失音不語手足不遂宜服天麻散方

天麻兩一 桂心三分 附子三分 炮裂 麻黃三分 去根
節 防風兩半 兩去 當歸兩半 兩剉 羌活三分 獨活三分
木香兩半 細辛兩半 芎藭兩半 羚羊角屑兩半
右件藥搗篩為散每服四錢以水酒各半中盞煎至六分去滓不計時候溫服

治中風筋脉拘急腰背强直失音不語宜服此方

黑鉛半兩水銀半兩與鉛同結天南星半兩白附子半兩犀角屑半兩朱砂半兩牛黃一分細研

右件藥搗羅為末入研了藥更研令勻用軟飯和丸如棗豆大每服不計時候以消

梨汁下五丸

又方亂髮為一兩燒桂心一分

右件藥搗細羅為散每服不計時候以煖酒調下二錢日四五服

治中風失音立效方豆豉煮取濃汁放溫稍服之○肘後方治卒不得語方煮豉汁稍服之一日可美酒半升中攪分為三服之備預百要方濃煮豉汁含之

治中風口禁不開諸方

夫中風口噤者為諸陽經筋皆在於頭三陽之筋並結巢氏病源作絡入頷兩頰夾於口也諸陽

爲風寒所客則筋急故口噤不開也巢源此

其脉遲者生

治中風口噤不開筋脉拘急體熱煩悶宜服

漢防已散方

漢防已三兩 葛根三兩 桂心二兩 麻黃二兩 去根節

甘草一兩 炙防風一兩 去蘆頭 赤芍藥一兩 獨活一兩

羚羊角屑一兩

右件藥搗篩爲散每服四錢以水一中盞入生薑半分煎至六分去滓放溫不計時

候切開口灌之

治中風心悶口噤不開宜服羚羊角散方

羚羊角屑一兩 防風一兩 去蘆頭 葛根一兩 甘菊一兩

花木通一兩 人參一兩 去蘆頭 細辛一兩 當歸一兩

微炒桂心一兩 甘草二兩 炙附子一兩 炮裂去皮

赤茯苓一兩 漢防已一兩 枳殼一兩 黃去瓤一兩

右件藥搗篩爲散每服四錢以水一中盞

煎至五分去滓入竹瀝一合更煎一兩沸

放溫不計時候切開口灌之

治中風口噤不開心胃滿悶宜服枳殼散方

枳實一兩炒微黃防風二兩去甘草二兩炙漢

防已一兩麻黃一兩去人參一兩去羚羊角

屑一兩細辛一兩茵芋一兩秦艽一兩去桂心一兩附

子一兩炮裂去皮臍

右件藥搗篩為散每服四錢以水一中盞

煎至五分去滓入竹瀝一合更煎一兩沸

放溫不計時候拗開口灌之

治中風口噤不開煩熱悶亂宜服防風散方

防風一兩去赤芍藥一兩葛根一兩獨活一兩

茵芋一兩甘草一兩炙芎藭一兩細辛一兩白朮

一兩麻黃一兩去羚羊角屑一兩人參一兩去石膏二兩漢防已一兩川烏頭一兩去皮臍

右件藥搗篩為散每服四錢以水一中盞

入生薑半分煎至五分去滓入竹瀝一合

更煎一兩沸放溫不計時候拗開口灌之

治中風口噤不開方

獨活二兩桂心一兩

右件藥搗碎以酒水各一大盞半煎取兩盞去滓放溫不計時候分爲五服拗開口灌之○肘後方獨活四兩桂二兩以酒水二升煮取一升半分爲三服開口與之溫臥火炙令取汗

治中風口噤不開筋脉拘急疼痛宜服獨活

散方

獨活二兩黑豆一合半炒熟天南星半兩生薑兩半
防風一兩生薑兩半

右件藥細剉以清酒五大盞煎取三大盞半入於瓶中密蓋良久去滓放溫不計時候拗開口灌半中盞頻頻服以效爲度
治中風口噤不開心膈壅悶宜服消梨飲子方

消梨三顆絞酒一合薄荷汁一合生薑汁一合竹瀝一合

右件藥相和煎三兩沸分溫三服不計時候拗開口灌之服盡立效

治中風口噤不開不知人事欲死者宜服此方

乾蠍一枚尾全 瓜蒂七枚 赤小豆三七枚

右件藥搗細羅為散每服半錢不計時候用粥飲調拗開口灌之當吐如未吐即再服

治中風口噤不開方

附子一兩生 甘草半兩 桂心半兩

右件藥搗羅為末鍊蜜和丸如皂莢子大

每服不計時候以煖酒研一丸拗開口灌之立效

治中風口噤不開備急膏方

川烏頭半兩燒為灰 膩粉一分 龍腦一分

右件藥都研令勻以黃牛膽汁調成膏以瓷器盛每服不計時候以溫酒調一錢拗開口灌之續以豆淋酒投之

又方獨活一兩 黑豆二合

右件藥以酒二大盞煎至一盞三分去滓

分爲三服放溫不計時候拗開口灌之

治中風不得語諸方

夫中風不得語者由心脾受於風邪故也脾脉絡於胃夾咽連舌根散於舌下心之別脉係於舌本今二經俱爲風毒所搏故令舌强不得語也

治中風身體緩弱口眼不正舌强難語奄奄忽忽神情悶亂宜服麻黄散方

麻黄根節一兩去 漢防己一兩 黄芩一兩 桂心一兩 赤

芍藥一兩 甘草半兩炙 防风一兩去蘆頭 人參一兩

去蘆頭 附子一兩炮裂去皮臍

右件藥搗篩爲散每服四錢以水一中盞入生薑半分煎至六分去滓不計時候温服

治中風不得語身體拘急疼痛宜服獨活散方

獨活二兩 桂心二兩 防风一兩去蘆頭 當歸一兩剉微炒 赤芍藥一兩 附子一兩炮裂去皮臍 甘草半兩炙微赤剉

右件藥搗篩為散每服四錢以水一中盞
入生薑半分煎至六分去滓不計時候溫
服

治中風不得語宜服醋石榴飲子方

醋石榴皮一枚生薑一兩青州棗十四枚

黑豆二合

右件藥以淡漿水三大盞煎至一盞半去
滓入牛乳三兩好梨二顆絞取汁和令勻
不計時候溫服一合

治中風不語舌根強硬宜服生地黄汁飲子
方

生地黄汁一合獨活一兩附子一枚炮裂淡

竹瀝一合

右件藥先以水二大盞煮獨活附子取汁
一盞半去滓內地黃汁及竹瀝更煎一兩
沸不計時候溫服半中盞

治中風不能語四肢強宜服天麻散方

天麻兩乾蠍一兩烏蛇二兩酒浸炙
微炒微黃去皮骨天南

星三分白附子一分天雄半兩炮裂炮裂白殭

蠶三分檳榔半兩乾薑三分炮裂炮裂人參三分去

芎藭半兩麻黃一兩去根節

右件藥搗細羅為散每服不計時候以熱酒調下一錢頻三服以厚衣蓋汗出為度

治中風不語宜服桑枝飲子方

桑枝一握東黑豆一合布袋盛於藥獨活

一兩生薑一分羌活一兩

右件藥細剉以水兩大盞煎至一盞三分

去滓入竹瀝一合又煎一兩沸不計時候分溫三服

治中風不語筋脉拘急疼痛宜服天南星散

方

天南星一兩炮裂炮裂白附子一兩炮裂炮裂桑螵蛸一兩白

殭蠶一兩藿香一兩乾蠍二兩朱砂三分麝

香一分膩粉三錢

右件藥搗羅為散入後三味更研令勻每服不計時候以溫酒調下一錢

治中風舌強不語筋骨拘急飲食不得翕翕發熱形神如醉宜服牛黃丸方

牛黃半兩麝香半兩白附子三分天麻一兩

白僵蠶一兩烏蛇二兩附子一兩

炮裂去皮骨羌活一兩天南星半兩乾薑三分

桂心二分芎藭三分

右件藥搗羅為末入研了藥令勻鍊蜜和擣三二百杵丸如梧桐子大每服不計時候以薄荷酒下廿丸

治卒中風不語返魂丹方

生玳瑁兩半朱砂兩半雄黃兩半白芥子兩半

右件藥同研如麵於銀器中酒煎安悉香一兩為膏和丸如菉豆大每服不計時候以童子小便下五丸兼療廁上衝惡不語亦服五丸

治卒中風不語舌根強硬宜服此方

陳醬五合人乳汁五合

右件藥相和研以生布絞取汁不計時候

少少與服良久當語

治風癱諸方

夫風邪之氣若先中於陰病發於五藏者其狀奄忽不知人喉裏噫噫然有聲舌強不能言發汗身軟眼下鼻人左右有白者可治一黑一赤吐沫者不可治汗不出體而直強者皆死也

治風癱舌強不能言四肢拘急心神恍惚不識人宜服麻黃散方

麻黃

二兩去根節

石膏

二兩當歸

兩剉

芎藭

兩

甘草

半兩炙

茯神

兩

桂心

兩

黃芩

兩 杏仁

右件藥搗麤羅為散每服半兩以水一大

盞煎至七分去滓不計時候溫服

治風癱咽喉作聲言語蹇澀心胃不利宜服桂心散方

桂心

三分

防風

三分去

前胡

一兩去

枳殼

一分

羚羊角

三分

射干

兩

甘草

半兩炙

獨活三分細辛兩半

右件藥搗麤羅為散每服半兩以水一大盞煎至七分去滓不計時候溫服

治風癱舌強不能言四肢拘急迷悶不識人宜服防風散方

防風二兩麻黃二兩白朮兩黃芩一兩赤

芍藥兩桂心兩漢防已兩芎藭兩人參兩

去蘆甘草一兩附子一兩炮裂兩杏仁兩

湯浸去皮尖雙麥兩炒微黃

右件藥搗篩為散每服四錢以水一中盞

入生薑半分煎至六分去滓不計時候溫

服服後有汗宜避風為妙

又方獨活兩甘草一兩桂心兩羚羊角屑

一兩茯神兩酸棗人赤芍藥兩麻黃兩

去根葛根兩

右件藥搗篩為散每服四錢以水一中盞

入生薑半分煎至六分去滓不計時候溫

服

治風癔咽中作聲舌強語澀心膈不利宜服
羚羊角散方

羚羊角屑一兩前胡一兩去蘆頭

麻黃一兩去根節秦艽一兩去苗防風一兩去蘆頭

一兩炮裂赤箭一兩微炙天南星一兩炮裂蟬殼半兩

獨活一兩伏神一兩檳榔一兩枳殼一兩微黃一兩去麩炒桑

螵蛸半兩乾蠨半兩微炒牛黃一錢入朱砂半兩細研

麝香一錢鉛霜一分入

右件藥搗細羅為末入研了藥重研令勻

每服不計時候以溫酒調下一錢

治風癔諸方

夫風癔者口噤不開背強而直如發癩之狀
其重者耳中策策痛卒然身體癔直者死也
此由風邪傷於太陽之經復遇寒濕則發癔
也診其脉如似弦直上下者是風癔也
治風癔口噤身體強直不知人事宜服羚羊
角散方

羚羊角屑一兩麻黃一兩去根節附子一兩炮裂

當歸一兩剉 桂心一兩 獨活一兩 防風一兩

頭阿膠炒一兩 擣碎令黃燥 天麻一兩

右件藥擣麤羅為散每服四錢以水酒各

一中盞煎至一盞三分去滓不計時候分

溫二服

治風痙搖頭口噤身體強直宜服當歸散方

當歸一兩剉 細辛一兩 防風一兩 去去 桂心一兩

獨活二兩 麻黃二兩 去去 附子一兩 炮裂裂 薏苡

人一兩 芎藭一兩

右件藥擣麤羅為散每服四錢以水酒各

半中盞入生薑半分煎至五分去滓不計

時候溫服

治風痙口噤腰背強直不可轉側宜服天麻

散方

天麻一兩 當歸一兩 剉剉 防風一兩 去去 獨活

一兩 麻黃一兩 神巧半兩 去去 根節○ 桂心一兩 萬○

肉桂半兩 細辛一兩 附子一兩 炮裂裂 蔓荊子一兩

去皮去 右件藥擣麤羅為散每服四錢以水酒各

半中盞入生薑半分煎至五分去滓不計時候溫服

治風痙口噤身體強直迷悶不識人宜服白附子丸方

白附子一兩炮裂白殭蠶一兩膩粉一分○神
 一天南星三分炮裂白花蛇一兩酒浸炙微黃
 全方防風一兩去麻黃一兩赤箭二兩麝
 二兩防風一兩去麻黃一兩赤箭二兩麝
 香一兩細研白朮半兩羚羊角屑三分
 右件藥搗羅為末入麝香膩粉萬全方無膩粉研

令勻以糯米粥和搗三二百杵丸如梧桐子大每服不計時候以溫酒研下十九

治風痙四肢強硬口噤不開宜服天麻丸方

天麻一兩烏蛇二兩酒浸炙白殭蠶三分乾
 蠍三分炒附子一兩炮裂乾薑半兩炮桂心
 三分防風三頭去蟬殼三分川烏頭三分炮裂
 白附子三分炮裂羌活三分細辛三分獨活二分麻黃
 一兩半天南星半兩炮裂羚羊角屑一兩
 去根節天南星半兩炮裂羚羊角屑一兩
 右件藥搗羅為末鍊蜜和搗三五百杵丸

如酸棗大每服不計時候以溫酒研下一丸

治風痺身體強直牙關緊急心神昏昧宜服

牛黃丸方

牛黃	一分	麝香	一分	朱砂	三分	龍腦	
<small>細研</small>		<small>細研</small>		<small>水飛過</small>			
一分	白僵蠶	半兩	鹿角膠	半兩	黃燥	白花	
<small>細研</small>		<small>微炒</small>		<small>炒令</small>			
蛇	二兩	酒浸炙	白附子	一兩	天麻	一兩	白疾
<small>微黃去皮骨</small>			<small>炮裂</small>				
藥	一兩	微炒	赤茯苓	一兩	白芷	一兩	獨活
<small>炒去刺</small>							
一兩	蔓荆子	一兩	麻黃	一兩	去	漢防已	一兩
			<small>根節</small>				木香

一兩 檳榔 一兩 藁本 一兩 防風 一兩 去蘆頭 乾蠍 一兩 微炒

當歸 一兩 剉 微炒

右件藥搗羅為末入研了藥令勻鍊蜜和搗三二百杵丸如梧桐子大每服不計時候以溫酒研下十丸

治風痺諸方

夫風痺之狀身體無痛處四肢不收神智不亂若時能言者即可治不能言者不可治也

治風痺身體不收不能言語冒昧不識人宜

服麻黃散方

麻黃三兩去根節 漢防已二兩 桂心二兩 獨活一兩 秦

芎一兩去苗 細辛一兩 芎藭一兩 乾薑半兩 炮黃芩

一兩 杏人一兩 湯浸去皮尖 當歸一兩 甘草半兩

炙微赤剉

右件藥搗篩為散每服四錢以水一中盞

煎至六分去滓不計時候稍熱頻服汗出

為度

治風痹四肢緩弱無力不收煩悶語澀宜服

芎藭散方

芎藭二兩 獨活二兩 赤芍藥二兩 赤茯苓一兩 防風

二兩 去蘆頭 當歸二兩 石膏二兩 人參一兩 去蘆頭 葛根

一兩 剉桂心 一兩 羚羊角屑 一兩 甘草一兩 炙漢

防已二兩 麥門冬一兩 去心 白朮一兩 礞石二兩 碎水淘

去赤汁

右件藥搗篩為散每服四錢以水一中盞

入生薑半分煎至五分去滓入生地黃汁

半合更煎一兩沸不計時候溫服

治風痺言語不轉四肢緩弱上焦煩壅心氣不利宜服葛根散方

葛根剉一兩 麻黃根節一兩去 赤芍藥兩一兩 防風兩一兩

去蘆黃芩兩一兩 漢防己兩一兩 桂心兩一兩 白朮兩一兩 人

參一兩去蘆頭 獨活兩一兩 芎藭兩一兩 川升麻兩一兩 牛膝

一兩石膏兩二兩 陳橘皮去白一兩湯浸 羚羊角屑

一兩五加皮兩一兩

右件藥搗篩為散每服四錢以水一中盞入生薑半分煎至五分去滓入淡竹瀝一

合更煎一兩沸不計時候溫服

治風痺心熱煩悶四肢不仁宜服獨活散方

獨活分二兩 漢防己兩一兩 秦艽去苗三分 黃耆剉半兩 赤

芍藥兩半兩 人參半兩去蘆頭 茯神兩半兩 白朮兩半兩 芎藭

兩遠志去心半兩 石膏兩一兩 川升麻兩半兩 防風去蘆三分

頭丹參兩半兩 甘草微赤剉兩半兩 天門冬去心半兩 薤苳

人兩半兩 羚羊角屑二分 五加皮兩半兩 生乾地黄分三

麻黃根節一兩去 地骨皮兩半兩

右件藥搗篩為散每服四錢以水一中盞

入生薑半分煎至五分去滓不計時候溫服

治風痺筋脉緩弱言語謇澀宜服羚羊角散方

羚羊角屑一兩 川升麻半兩 桂心一兩 枳殼一兩
半麩炒微 茯神一兩 獨活半兩 麻黃根節
黃去瓢 葛根一兩 附子一兩 皮一兩 裂當歸
棗人 兩五加皮 兩一
 右件藥搗麤羅為散每服四錢以水一中

蓋人生薑半分煎至五分去滓不計時候
 溫服

治風痺四肢緩弱心神煩悶不能言宜服白
 鮮皮散方

白鮮皮一兩 附子一兩 炮裂麻黃
去皮 蘆頭一兩 去葛根
 芷一兩 白朮一兩 防風一兩 蘆頭一兩 去獨活
 一漢防已 一人參 一蘆頭 去茯神 一甘草
兩 一當歸 一石膏 三桂心 一杏人
赤到 一當歸 一石膏 三桂心 一杏人
湯浸去皮尖雙 一當歸 一石膏 三桂心 一杏人
人麩炒微黃

右件藥搗麤羅為散每服四錢以水一中
盞入生薑半分煎至五分去滓不計時候
溫服

治風痲四肢不收言語寒澀不能轉動宜服
天麻散方

天麻二兩蟬殼兩半阿膠一兩搗碎兩地骨皮一兩
麥門冬一兩焙兩薏苡人兩獨活二兩白鮮皮一兩
羚羊角屑一兩防風一兩去頭兩附子一兩炮兩
人參一兩去兩牛蒡子一兩微炒兩赤芍藥一兩甘
藜一兩去兩蘆頭一兩去兩

草一兩炙兩桑根白皮一兩剉兩

右件藥搗細羅為散每服不計時候以溫
酒調下二錢

治中風口面喎斜諸方

夫風邪入於足陽明手太陽之經遇寒則筋
急引頰故使口面喎僻言語不正而目不能
卒視巢氏病源年視診其脉浮而遲者可治
治中風口面喎僻手足不遂風入於藏則語
不得轉心神昏悶宜服防風散方

防風一兩去蘆頭 羌活二兩 川升麻一兩 桂心一兩 芎

藭二兩 羚羊角屑二分 麻黃一兩去根節 杏仁二兩湯浸

去皮尖雙人 薏苡人一兩 麩炒微黃

右件藥搗篩為散每服四錢以水一中盞煎至五分去滓入竹瀝一合重煎一兩沸不計時候稍熱服如人行五七里再服以衣蓋之汗出為度

治中風口面不正四肢拘急語澀宜服羌活散方

羌活一兩 枳殼三分麩炒 蔓荊子一兩 細辛三分

桂心三分 當歸三分 芎藭三分 羚羊角屑三分

白鮮皮三分

右件藥搗篩為散每服四錢以水一中盞煎至五分去滓入竹瀝一合更煎一兩沸不計時候溫服

治中風口面喎斜筋脉拘急宜服麻黃散方

麻黃一兩 芎藭一兩 川升麻一兩 防風一兩

頭漢防已 桂心一兩 羚羊角屑一兩 酸棗人

一兩秦艽半兩去苗

右件藥搗篩為散每服四錢以水一中盞煎至五分去滓入竹瀝一合更煎一兩沸不計時候溫服

治偏風口眼不正言語謇澀四肢拘急茵芋散方

散方

茵芋一兩半枳殼一兩微黃去瓢當歸一兩剉芥一兩細辛三分桂心三分獨活一分天麻一兩羚羊角屑一兩

右件藥搗篩為散每服四錢以水一中盞入生薑半分煎至六分去滓不計時候溫服

治中風口面喎斜手脚不遂風入藏腑昏悶不語腰脊如解難以俛仰骨痺冷疼心驚不定宜服獨活散方

獨活一兩羌活一兩芎藭三分桂心三分赤茯苓一兩附子一兩炮裂去皮膚羚羊角屑三分白殭蠶一兩天麻一兩麻黃一兩根節去丹參三分乾蠍一兩

右件藥搗細羅爲散每服不計時候以薄荷熱酒調下二錢

治中風倒仆不識人及口面喎斜宜服天麻散方

天麻一兩 騏驎竭一兩 白僵蠶一兩 乾蠹一兩

防風一兩 去去 犀角屑一兩 麝香二錢

右件藥搗細羅爲散每服不計時候以溫酒調下二錢

治中風口面偏斜痰毒頭疼宜服酸棗人散

方

酸棗人一兩 羚羊角屑一兩 丹參一兩 防風一兩

去去 蘆漢防已一兩 甘菊花一兩 麻黃根一兩 羌

活一兩 石膏二兩

右件藥搗細羅爲散每服不計時候以溫酒調下二錢

治中風口眼喎斜方

樹東南枝上蟬殼七月七日收

右細研如粉人寒食麵用醋調爲糊如左

斜塗右口角右斜塗左口角候口正急以湯水洗去其藥

又方右以菰蘆瓢絞取汁和大麥麩浚作餅

于炙令熱熨正便止勿令太過得效方經

預百要方同 ○瑣碎錄苴蓂去子皮用穰水調

如稀糊入大麥麩調左喎塗右右喎塗左

才正便急洗去

又方右以蜘蛛子摩其偏急處叩齒候正後

方摩其偏急處則止亦可向火摩之

車上候視正

又方鼈甲兩一川烏頭兩一

右以二味生用擣羅為末以醋調塗之欲

正便拭去之○肘後方鼈甲烏頭塗之欲

正即揭去之

治中風口面喎斜肉桂熨法

肉桂一兩半刮去麁皮擣羅為末

右用酒一大盞調肉桂令勻以慢火煎成

膏去火良久用匙攤在一片帛上貼在腮

上頻頻更用熱瓦子熨令熱透專看正即

去却桂膏患左貼右患右貼左神巧萬全方同

治中風吹著口偏方右取蓖麻東西枝上子

各七粒研碎手心中塗用熱水一瓷碗安

在手心上良久看口正便住患左治右患

右治左神巧萬全方同○得效方禦風膏治口眼

喎斜右用草麻子去殼碾碎塗在手心以

一孟子置在手心草麻子上用熱水置孟

中口正則急取孟子左癱塗右手心右癱

塗左手心口眼纔正急洗去藥只隨病處

左右貼亦可又治產難者爛研塗兩脚心

纔生下便洗去澹寮方蓖麻膏治中風口

眼喎斜蓖麻子不以多少去殼研膏右用膏貼手心

喎左貼右喎右貼左貼後以錫盂盛熱湯

盪所貼膏上經驗良方治患風牽引眼目

及口角喎斜用草麻子十四粒爛研以油

調左斜塗右右斜塗左平正即洗去

治中風口喎立效方右取巴豆七枚去皮爛

研喎左塗右手心喎右塗左手心仍以煖

水一盞安向手心須臾卽正便洗去藥

通

百要并類抽掣中指立效

瑣碎錄肘後方玉機微義壽域

方同神方衛生易簡方同

治風痺諸方

失痺者爲風寒濕三氣共合而成痺也其狀
 肌肉頑厚或則疼痛此由人體虛腠理開則
 受於風邪也病在陽曰風在陰曰痺陰陽俱
 病曰風痺其以春遇痺者爲筋痺巢氏病源
筋屈筋痺不已又遇邪者則移入於肝也其
三字

狀夜附則驚飲食多小便數夏遇痺者爲脉
 痺則血脉不流令人萎黃脉痺不已又遇邪
 者則移入於心其狀心下鼓氣卒然逆喘不
 通咽乾喜噫仲夏遇痺爲肌痺肌痺不已後
 遇邪者則入於脾其狀四肢懈惰發欬嘔吐
 秋遇痺者爲皮痺則皮膚無所知覺皮痺不
 已巢源此下有則入於肺其狀氣奔喘痛冬
又遇邪三字
 遇痺者爲骨痺骨重不可舉不遂而痛骨痺
 不已又遇邪者則移入於腎其狀喜脹診其

脉大澀者為痺脉來急者為痺脉澀而緊者為痺也

治中風痺頭目昏悶肢節疼痛宜服細辛散方

細辛一兩 赤茯苓一兩 白朮一兩 芎藭一兩 柴胡一兩
去當歸一兩 麻黃二兩 乾薑一兩 附子一兩 防風一兩 獨活一兩 石膏二兩 杏仁一兩 雙料人參一兩 甘草一兩 桂心一兩

右件藥搗麤羅為散每服四錢以水一中盞入生薑半分煎至六分去滓不計時候溫服

治風痺四肢懈惰不能自舉宜服麻黃散方

麻黃一兩 防風一兩 附子一兩 芎藭一兩 桂心一兩 黃芩一兩 赤芍藥一兩 人參一兩 去蘆秦艽一兩 茵芋一兩 甘草一兩 右件藥搗麤羅為散每服四錢以水一中盞入生薑半分煎至六分去滓不計時候

溫服

治風痺關節不利手足頑麻每服白花蛇散方

白花蛇二兩酒浸炙 白附子一兩炮裂 礞石一兩
 燒酒淬七 天麻半兩 狗脊半兩去毛 側子半兩炮
 遍細研 脂草薺 白殭蠶半兩微炒 細辛半兩 防風半兩
 去蘆頭 白芷半兩 芎藭兩 白鮮皮半兩 羌活半兩 蔓
 荆子兩半
 右件藥搗細羅為散入礞石同研令勻每

服不計時候以溫酒調下一錢

治風痺手脚不仁宜服羌活散方

羌活兩 漢防已兩 荆芥握 薏苡人兩 防風兩
 蘆頭兩 去麻黃一兩半 去根節酸棗人兩 黃松節兩
 附子一兩半 炮芎藭兩 天麻半 道人頭兩

右件藥搗細羅為散每服不計時候以溫

酒調下二錢

治風痺身體不舉常多無力宜服獨活散方

獨活三分 草薺一兩 防風一兩 蘆頭一兩 細辛一兩 人參一兩
 蘆頭一兩 去去 乾薑一兩 炮炮 天雄一兩 去去 皮皮 臍臍 裂裂 丹參丹參
 三分 牛膝一兩 去去 苗苗
 右件藥搗細羅為散每服不計時候以溫酒調下二錢

治虛損傷風手足無力肢體乾燥風痺不仁
 宜服天麻丸方

天麻一兩 木香半兩 人參半兩 去去 蘆頭半兩 赤茯苓半兩 白芷半兩 羌活半兩 天蓼木半兩 芎藭半兩 當歸半兩 剉剉 微

炒麻黃一兩 去去 烏蛇二兩 酒酒 浸浸 炙炙 白附子白附子
 半兩 龍骨一兩 鹿角膠半兩 炒炒 令令 黃燥黃燥 甘菊花半兩
 炮裂 生乾地黄半兩 細辛半兩 牛黃一分 麝香一分
 右件藥搗羅為末鍊蜜和搗五七百杵丸如梧桐子大每服不計時候以溫酒下十丸

治風寒入於肌肉氣血不宣肢體不仁牽引

腰背風痺疼痛宜服蚘螂丸方神巧萬全方

蚘螂一兩 炒炒 虎脛骨三分 酒酒 川烏頭三分 剉剉

去皮 白蒺藜一兩 微炒 安息香三分 檳榔三分 麻
 黃一兩 去節 芎藭三分 狗脊三分 去毛 赤茯苓三分 白
 花蛇二兩 酒浸炙 肉桂三分 去 赤箭三分 枳
 實三分 麩炒 防風三分 去 蘆頭
 右件藥搗羅為末 鍊蜜和搗 三二百杵 丸
 如梧桐子大 每服不計時候 以薄荷酒下
 十丸

治風痺手足緩弱不能伸舉宜服烏蛇丸方

烏蛇三兩 酒浸炙 天南星一兩 炮裂 乾蠍一兩 微炒

白附子一兩 炮裂 羌活二兩 白殭蠶一兩 微炒 麻黃二兩
去根 防風二兩 去 蘆頭 桂心一兩

右件藥搗細羅為末 鍊蜜和搗 三二百杵
 凡如梧桐子大 每服不計時候 以熱豆淋
 酒下十丸

治風痺榮衛不行四肢疼痛宜服羌活丸方

羌活一兩 天麻一兩 附子一兩 半炮 裂去皮 麻黃一兩 去根

節 蟬螂三分 微炒 桂心一兩 烏蛇二兩 酒浸炙 令黃去皮
 右件藥搗羅為末 鍊蜜和搗 三二百杵 丸

如梧桐子次每服 計時候以溫酒下十

丸

又方麻黃五兩去根節了秤桂心二兩

右搗細羅為散以酒二升慢火煎如飴每

服不言時候以熱酒調下一茶匙頻服以

汗出為度神巧萬全方同

又方川烏頭二兩去皮切碎以大豆同炒候豆汗出即佳乾蠍兩

微炒

右件藥搗羅為末以醞醋一中盞熬成膏

可丸即丸如菉豆大每服不計時候以溫酒下七丸神巧萬全方同

治風濕痺不仁諸方

夫風濕痺病之狀或皮膚頑厚或肌肉痠痛

風寒濕三氣雜至聚合而成痺其風濕氣多

而寒氣少者為風濕痺也由血氣虛受於風

濕而成此病也巢氏病源此下云人不蹉入於經絡搏於陽經亦變令身

體手足不隨

治風濕痺面如針刺身體不仁汗出短氣不

能飲食宜服麻黃散方

麻黃 三兩去根節 芎藭 一兩 莽草 一兩 當歸 一兩
炒天維 去皮 炮裂 桂心 一兩 杏人 一兩 湯浸
人麩炒 五加皮 一兩 白朮 一兩

右件藥搗麤羅為散每服四錢以水一中
 盞入生薑半分煎至六分去滓不計時候
 溫服

治風濕痺皮膚不仁手足無力側子散方

側子 一兩 炮裂 五加皮 一兩 礞石 二兩 燒醋
去皮 臍

研 甘菊 半兩 漢防己 半兩 葛根 半兩 羚羊角

屑 一兩 防風 一兩 去 杏人 一兩 湯浸去皮尖
兩 蘆頭

薏苡人 一兩 赤芍藥 半兩 芎藭 半兩 秦艽 半兩 麻

黃 一兩 去 甘草 半兩 炙
根節 微赤剉

右件藥搗麤羅為散每服四錢以水一中
 盞煎至六分去滓不計時候溫服

治風濕痺四肢不仁肌肉瞶動舉體無力宜
 服拘脊散方

狗脊 半兩 附子 三分 炮裂 薯蕷 三分 熟乾地

類聚

九十四

黃三分天雄三分王孫三分桂心三分山茱

萸三分秦艽三分白欬三分

右件藥搗麤羅為散每服四錢以水酒各

一中煮煎至一盞去滓不計時候分溫二

服

治風濕痺不仁身體汗出惡風宜服茵芋散

方

茵芋一兩白朮一兩漢防己二兩桂心一兩牛膝

一兩丹參一兩細辛半兩甘草半兩五加皮

一兩

右件藥搗麤羅為散每服四錢以水一大

盞入生薑半分煎至七分去滓不計時候

分溫二服

治風濕痺肌膚不仁宜服麻黃散方

麻黃二兩天門冬三兩漢防己一兩海

桐皮一兩丹參一兩桂心一兩側子半兩

甘草二兩

右件藥搗麤羅為散每服四錢以水一大

類聚

九十五

蓋入生薑半分煎至七分去滓不計時候
分温二服

治風濕痺脚弱拘攣疼痛不能行跌腫上膝
小腹堅不能食宜服石斛散方

石斛二兩去根 附子三分炮裂去皮 獨活三分 天門
冬一兩半 桂心兩 桔梗兩 川椒半兩
及開口者 細辛兩 麻黃三分去根節 山茱萸兩
微炒出汗 五味子兩 前胡三分去蘆頭 白芷兩 秦艽三分
川烏頭半兩炮裂去皮 人參半兩去蘆頭 天雄半兩

去皮當歸 三分微炒 防風三分去蘆頭 莽草三分
白朮兩 杜仲三分去麩皮 乾薑半兩炮裂
右件藥擣細羅為散每服不計時候以温
酒調下一錢未效稍稍加之

治氣血虛風邪濕痺皮膚不仁宜服側子散
方

側子一兩以酒浸過 牛膝一兩去苗 白殭蠶一兩
生天南星 一兩生用 海桐皮剉 兩 狼毒半兩以醋煮半
日細切 麝香一分
暴乾

類聚十五
方十五

右件藥搗細羅為散入麝香都研令勻每服不計時候以熱豆淋酒調下二錢

治風濕痺身體四肢不仁宜服蚘螂散方

蚘螂一兩側子一兩獨活一兩桑螵蛸一兩
躑躅花半兩天南星半兩草薺半兩
天麻一兩桂心一兩

右件藥搗細羅為散每服不計時候以溫酒調下一錢

治風濕痺皮膚不仁肢節疼痛宜服白花蛇

丸方

白花蛇一兩酒浸炙乾一兩仙靈脾一兩

茵芋半兩川烏頭半兩天南星半兩天

雄一兩去皮臍一兩天麻一兩桂心一兩麻黃一兩去

鹿角膠一兩炒令黃燥一兩草薺一兩桑螵蛸半兩

雄黃一分麝香一分

右件藥搗羅為散都研令勻用天麻三兩搗羅為末以無灰酒一大碗慢火熬成膏用和藥末更搗五七百杵丸如梧桐子大

每服不計時候以薄荷酒下二十九
治風濕痺手足攣急皮膚不仁宜服天雄丸
方

天雄一兩炮裂去皮臍 麻黃一兩去根節 天麻一兩 桂心一兩
一兩 天南星三分炮裂 羌活一兩 雄黃半兩細研膩
粉半兩 乾蠍一兩微炒 麝香一分細研 朱砂一分細研
牛黃一分細研 烏蛇二兩酒浸炙 令黃去皮骨
右件藥搗羅為末入研了藥令勻鍊蜜和
搗三二百杵丸如梧桐子大每服不計時

候以豆淋酒下十九

治風濕痺精神昏沉四肢緩弱皮膚不仁宜
服附子丸方

附子一兩炮裂去皮臍 莽草半兩微炙 白花蛇二兩酒浸炙令
黃去皮 天南星三分炮裂 川烏頭半兩炮裂 天麻三分
乾蠍半兩微炒 杜心三分 防風半兩去蘆頭 薏苡人
一兩 楓香一兩 芎藭三分 草薺一兩 羌活三分 仙靈脾
右件藥搗羅為末以糯米粥和搗三二百

柞丸如菘豆大每服不計時候以荆芥湯下十丸煖酒下亦得

治風濕痺脚膝緩弱宜服天蓼木丸方

天蓼木一兩天麻半兩芎藭半兩獨活半兩細辛半兩

防風半兩去蘆頭藁本半兩白附子半兩炮裂烏蛇二兩

酒浸炙令黃去皮骨巴戟半兩石斛半兩去根附子半兩裂去皮

臍蛇床人兩麝香一分晚蠶蛾半兩微炒

右件藥搗羅為末鍊蜜和搗三二百杵丸

如梧桐子大每服不計時候以溫酒下二

十九

治風冷濕痺五緩六急宜服堅骨益筋養血

固髮草薺丸方

草薺八兩牛膝三兩丹參二兩附子二兩炮裂去皮

臍白朮兩枳殼二兩微黃去瓢

右件藥搗羅為末鍊蜜和搗五七百杵丸

如梧桐子大不計時候以溫酒下三十丸

治風寒濕痺身體手足不遂諸方

夫風寒濕二氣合而成痺其氣時來亦有偏

多偏少而風濕之氣偏多者名為風濕痺也
 凡人腠理虛者則風濕氣傷之搏於血氣血
 氣不行則不得宣通真邪相擊在於肌肉之
 間故其肌膚盡痛然諸陽之經宣行陽氣通
 於身體風濕客之於肌膚合而為痺若傷其
 諸陽之經則陽氣行遲緩而機關施縱筋脉
 不收若風濕痺而復於身體故手足不得遂
 也
 治風濕痺躄曳或手脚不遂或風入五藏恍

恍惚惚多語喜忘又時恐怖或肢節疼痛頭
 眩煩悶或腰脊強直腹滿不食宜服當歸散
 方

當歸一兩剉 川升麻半兩 川烏頭半兩炮裂
 天門冬心焙 五味子半兩 赤芍藥半兩 遠志
 半兩獨活 麻黃一兩去根節 防風半兩去頭 芎
 藭半兩 乾薑半兩炮 秦艽一兩去苗 桂心半兩 大豆
 炒一合 石斛半兩去根 甘草三分炙 人參半兩
 頭白茯苓 紫苑半兩洗 石膏兩 黃耆兩

劉杏人半兩湯浸去皮尖

右件藥搗麤羅為散每服四錢以水一中
盞煎至五分去滓入酒一合更煎一兩沸
不計時候溫服

治風濕痺及偏風身體手足不遂筋脉攣急

宜服防風散方

防風一兩去蘆頭 白朮一兩 芎藭一兩 細辛一兩 羌活一兩
茵芋一兩 牛膝一兩去苗 狗脊一兩去毛 草薺一兩 薏苡人二兩 麻黃四兩去根節 側子一兩去皮臍 裂杏人

一兩湯浸去皮尖 雙入麩炒微黃 赤箭一兩 桂心一兩

右件藥搗篩為散每服四錢以水一中盞
人生薑半分煎至六分去滓不計時候溫
服

治風濕痺身體頑麻皮膚瘙癢筋脉拘急言
語蹇澀手足不遂宜服天麻散方

天麻半兩 白附子半兩炮裂 羌活半兩 防風半兩去蘆頭

牛膝三分去苗 麻黃一兩去根節 芎藭半兩 草薺三分

獨活半兩 當歸半兩微炒 桂心半兩 乾蠍一分微炒 白

疆蠶半兩 微炒

右件藥搗細羅為散每服不計時候煖竹
瀝酒調下二錢

治風濕痺肢節疼痛身體手足不遂宜服仙
靈脾丸方

仙靈脾三分 防風半兩 去蘆頭 羌活三分 白附子三分

炮裂天麻一兩 天南星半兩 炮裂 犀角屑三分 木香半兩

檳榔半兩 羚羊角屑三分 乳香三分 細研 虎脛骨三分

塗酥炙桂心半兩 神巧方肉桂 附子三分 炮裂 去皮臍

當歸三分 微炒 牛膝三分 去苗 白殭蠶半兩 微炒 鹿茸

三分 塗酥炙石斛三分 去根 麝香一分 細研 海桐

皮三分 乾蠍半兩 微炒 烏蛇二兩 酒浸炙 令黃去皮骨

右件藥搗羅為末入研了藥令勻鍊蜜和
搗五七百杵丸如梧桐子大每於食前以

溫酒下三十九

治風濕痺身體手足收攝不遂肢節疼痛言
語謇澀宜服草薺丸方

草薺一兩 薏苡仁一兩 芎藭半兩 海桐皮三分 羌

藥類一十五

卷二

活三分天雄一兩炮裂
 蠹一分炒蟬殼一分天南半兩白附子半兩
 躑躅花三分配乾拌當歸微炒牛膝去兩
 川烏頭半兩炮裂去皮臍

右件藥搗羅為末鍊蜜和搗三五百杵丸
 如梧桐子大每服食前以溫豆淋酒下二
 十丸

又方躑躅花不限多少以酒拌蒸
 一炊久取出燉乾
 右搗羅為末用牛乳一合酒二合煖令熱

調下一錢

治風血痺諸方

夫風血痺者由體虛之人陰邪入於血經故
 也若陰邪入於血經而為痺故為風血痺也
 其狀形體如被微風所吹此由優樂之人骨
 弱肌膚充盛因疲勞汗出巢氏病源疲勞汗
 膚腠易開為風邪所侵故也診其脉自微而
 澀在寸口關上小緊者為風血痺也巢源此
 可針引陽氣令下云宜
 脉和緊去則愈

類聚十五
百三

治風血痺皮膚不仁宜服防風散方

防風二兩去蘆頭 甘草半兩炙 獨活三分 當歸兩一

赤茯苓兩一 秦艽兩一 茵芋兩半 桂心三分 杏人

半兩湯浸去皮尖 雙人製炒微黃

右件藥搗篩為散每服四錢以酒一中盞

入生薑半分煎至六分去滓不計時候溫

服

治風血痺身體不仁宜服側子散方

側子一兩炮裂 赤芍藥兩一 桂心兩一 麻黃兩一

去根 草薢兩一 當歸兩一 丹參兩一 細辛兩半 甘草

半兩炙 微赤剉

右件藥搗篩為散每服四錢以水一中盞

入生薑半分煎至六分去滓不計時候溫

服

治風血痺肌膚不仁四肢緩弱宜服麻黃散

方

麻黃三分去根節 烏蛇二兩酒浸炙 白朮三分 茵

芋三分 防風三分去蘆頭 蟬螂一分微炒去足 桂心三分 附

子一兩炮裂當歸三分剉

右件藥搗細羅為散每服不計時候以豆
淋酒調下一錢

治風血痺體虛風邪入血肌膚頑痺茵芋散
方

茵芋一兩川烏頭半兩炮裂天雄一兩炮裂

石南一兩附子一兩炮裂桂心一兩躑躅花兩

醋拌勻秦艽一兩防風一兩蘆頭兩

右件藥搗細羅為散每服不計時候以溫

酒調下一錢

治血風痺走無定處及諸風痺宜服地黃丸
方

生乾地黃兩澤瀉兩山茱萸兩車釐一兩

薯蕷兩牛膝一兩白朮三分天雄三分炮裂

鱗鱒三分乾漆三分狗脊三分車

前子三分茵芋

右件藥搗羅為末鍊蜜和搗三五百杵丸
如梧桐子大每服不計時候以溫酒下二

十九

醫方類聚卷之十五

一、...
 二、...
 三、...
 四、...
 五、...
 六、...
 七、...
 八、...
 九、...
 十、...
 十一、...
 十二、...
 十三、...
 十四、...
 十五、...

